



UNIVERSITÄTS-  
BIBLIOTHEK  
PADERBORN

## **Jus Canonicum Ad Libros V. Decretalium Gregorii IX.**

**Huth, Adam**

**Augustæ Vindelicorum, 1732**

29. De parochiis & alienis parochianis

---

[urn:nbn:de:hbz:466:1-63433](https://nbn-resolving.org/urn:nbn:de:hbz:466:1-63433)

ex ejusmodi indignis in loco sacro sepultus fuerit, videantur AA. in c. 12. h. t. & c. 7. de Consecr. Eccles. It. de illo. quam culpam & poenam incurrant scienter sepelientes indignum. Clem. 1. h. t. Schmalzgr. h. n. 53. cum seq. Agit etiam hic Leur. à Quæst. 802. de actione funeraria, qui videatur.

## TITULUS XXIX.

### De Parochiis & alienis Parochianis.

**Q** 1. Quid sit Parochia, & quæ ad illam constituendam requirantur? *Resp.* ad 1. Parochia sive Parœcia hodie & strictè loquendo est certa alicujus Diœcesis Ecclesia, quæ populum certis limitibus distinctum habet, & Presbyterum sive Rectorem, à quo Sacramenta, Verbum DEI, aliæque spiritualia ex officio eidem administrantur. Sumitur etiam Parochia pro ipso territorio & districtu, quo hujusmodi populus alicui Ecclesiæ deputatus continetur. Parochia & beneficium curatum non sunt idem; cum hoc latius pateat, quàm illa. Parochiani autem dicuntur, qui hoc modo certæ Ecclesiæ subjecti sunt, sive dein verum, sive tantum quasideomicilium habeant: Imò potest etiam quis respectu duarum Parochiarum proprius esse Parochianus.

*Resp.* ad 2. Requiruntur ad constituendam Parochiam seqq. 1. Locus certis limitibus constitutus, qui limites à sola potestate Ecclesiastica

L 4                      ftica

stica determinari possunt, juxta antiquissimam  
 Ecclesie praxin, & quidem ab Episcopo per  
 Trid. Sess. 24. de ref. c. 13. vid. Engel b. n. 3. ubi  
 ex Trid. Sess. 21. c. 4. de ref. varia notat circum-  
 varum Parochiarum constitutiones. Neque  
 certi sint limites Parochiarum aut diocesum  
 præscriptioni sunt obnoxii. can. 4. & seq. ca.  
 16. q. 3. c. 4. h. t. 2. Requiritur popul-  
 certæ Ecclesie itidem ab Episcopo deputatus  
 nomine populi venit pluralitas aliqua hominum  
 ad decem saltem familias ascendens, 3. Presbyter  
 seu Rector certus & unicus, potestate instructus  
 administrandi populo Sacramenta, præ. Peni-  
 tentiæ, aliæque spiritualia. can. 41. caus. 7. q. 1.  
 cap. 15. de prob.

Q. 2. Quæ jura competant Ecclesie Parochiali  
 Resp. 1. Fons baptismalis. 2. Forum peniten-  
 tiale; ubi notetur c. 12. de penit. & rescript.  
 3. Dispensatio Eucharistiæ. vid. Clem. 1. de prim.  
 4. Solennizatio & benedictio nuptiarum, de qua  
 Trid. Sess. 24. c. 1. de ref. matr. 5. Administra-  
 tio extremæ Unctionis, de qua ad tit. 15. l. 1.  
 Decret. 6. Obligatio ex parte populi audire  
 missam & verbum divinum in Parochia propria;  
 ubi tamen notentur privilegia Regularium &  
 consuetudo. 7. Jus sepulturæ, decimarum &c.  
 &c. Præterea licet illa ordinariè reperiantur in Ec-  
 clesiis Parochialibus, & ubi reperiuntur, signa sint,  
 Ecclesias esse Parochiales; præcisè tamen ex his  
 juribus non probatur, Ecclesiam esse Parochia-  
 lem, sicut nec ex aduerso ex defectu horum ju-  
 rium

rium reprobatur; unde *naturalia* Parochiæ sunt prædicta jura, non *essentialia*, de quib. in priori Resp.

Qua hîc Quæri possent de officio Parochi, partim ex sparsim dictis potest colligi, partim videri in Trid. Sess. 24. de ref. c. 4. Sess. 25. c. 1. de ref. Demum h. n. 21. addit Engel, jurisdictionem in foro externo nullam Parocho competere; posse autem jurisdictionem fori interni non in propriâ tantum Parochiâ, sed etiam in alienâ erga suos subditos (modo id fiat privâtim & absque disturbio) exercere.

## TITULUS. XXX.

### De Decimis, Primitiis, & Oblationibus.

Q. 1. Quid & quotuplices sint decima? Resp. 1. Decimæ scil. Ecclesiasticæ *objectivè* sumptæ sunt de jure decima pars fructuum & lucrorum justè acquisite Ecclesiæ Ministris solvenda, in recognitionem universalis & supremi dominii Deo debita. *Formaliter* sunt jus vel facultas exigendi decimam istam partem. 2. Decimæ Ecclesiasticæ aliæ sunt *strictè Ecclesiasticæ* vel *spirituales*, quæ scil. statum suum primævum retinent, & Ministris Ecclesiæ solvuntur tanquam stipendia ob spirituales eorum functiones; aliæ *temporales*, *minus strictè Ecclesiasticæ*, quæ quidem ad sustentandos Ecclesiæ Ministros primitus fuerunt

L 5 insti-